



Broj: UP09-07-1-2703/22
Sarajevo, 12.12.2022. godine

Ministarstvo pravde Bosne i Hercegovine, rješavajući Zahtjev osnivača Esport Saveza Bosne i Hercegovine, u predmetu upis u Registar udruženja, na osnovu člana 8. i 33. Zakona o udruženjima i fondacijama Bosne i Hercegovine ("Službeni glasnik BiH", br. 32/01, 42/03, 63/08, 76/11 i 94/16) u vezi člana 22. stav 3. Zakona o sportu u Bosni i Hercegovini („Službeni glasnik BiH“ broj: 27/08, 102/9 i 66/16) i člana 4. stav (1) Pravilnika o načinu vođenja registra udruženja i fondacija Bosne i Hercegovine i stranih i međunarodnih udruženja i fondacija i drugih neprofitnih organizacija ("Službeni glasnik BiH", br. 68/18), d o n o s i

R J E Š E N J E

1. U Registar udruženja kod Ministarstva pravde Bosne i Hercegovine pod **registarskim brojem RU-2660** Knjiga I Registra, dana 12.12.2022. godine upisuje se:
 - a) Esport savez Bosne i Hercegovine
Esport savez Bosne i Hercegovine
Еспорт савез Босне и Херцеговине
 - b) Skraćeni naziv Saveza glasi: ESS BiH, ESS BiH, ЕСС БИХ
 - c) Puni naziv Saveza na engleskom jeziku glasi:
Esport Federation of Bosnia and Herzegovina.
2. Adresa sjedište Saveza je: Mostar, Ulica Kralja Višeslava bb, SPC ORKA.
3. Ciljevi i djelatnosti Saveza su: organiziranje i provođenje sistema takmičenja u Esportu; zastupanje i predstavljanje Esporta u međunarodnim sportskim organizacijama; pripremanje i nastupanje državnih reprezentacija u Esportu na zvaničnim međunarodnim takmičenjima; utvrđivanje programa razvoja Esporta u skladu sa Strategijom; obrazovanje i usavršavanje stručnih kadrova, trenera, instruktora iz Esporta; donošenje osnova sistema i kalendara takmičenja u organizaciji Saveza; organizovanje savjetovanja, okruglih stolova i sličnih okupljanja s ciljem promocije Esporta u BiH i na međunarodnom nivou; saradnja sa nadležnim organima.

Savez se razvrstava za područje djelovanja:
12. SPORT
4. Osobe ovlaštene za zastupanje Saveza u pravnom prometu su:
 - Ante Šaravanja, predsjednik Saveza i
 - Goran Kuzmić, generalni sekretar Saveza.
5. Danom upisa u Registar udruženja kod Ministarstva pravde Bosne i Hercegovine, Savez stiče svojstvo pravne osobe i ima slobodu djelovanja na cijelom području Bosne i Hercegovine isključivo pod registrovanim nazivom.
6. Ovo Rješenje će se objaviti u „Službenom glasniku BiH“, o trošku podnosioca Zahtjeva.

O b r a z l o ž e n j e

Osnivači Esport saveza Bosne i Hercegovine, podnijeli su 7.12.2022. godine, Zahtjev za upis u Registar udruženja kod Ministarstva pravde Bosne i Hercegovine, sukladno odredbama Zakona o

udruženjima i fondacijama Bosne i Hercegovine i Zakona o sportu u Bosni i Hercegovini, isti dopunili 12.12.2022. godine i u prilogu su dostavili sljedeću dokumentaciju: Odluku o osnivanju Esport saveza Bosne i Hercegovine broj: 1/22 od 7.12.2022. godine; Izvod iz Registra Osnovnog suda u Doboju; ovjereno Rješenje Federalnog Ministarstva pravde broj: 03-04-2-947/22 od 17.11.2022. godine; Statut Saveza broj: 2/22 od 7.12.2022. godine, u dva primjerka; Odluku o imenovanju organa upravljanja Savezom broj: 03/22 od 7.12.2022. godine, sa ovjerenim fotokopijama ličnih karata i ovjerenim vlastoručnim potpisima osoba imenovanih za zastupanje Saveza; Zapisnik Osnivačke Skupštine Saveza od 7.12.2022. godine, sa vlastoručno potpisanim spiskom prisutnih delegata na Osnivačkoj sjednici Skupštine; ovjerenu Izjavu iz člana 31.f) Zakona; prijevod punog naziva Saveza na engleski jezik od Ivane Bevanda-Lesko, stalnog sudskog tumača za engleski jezik, broj: 172/2022 od 06.12.2022. godine i dokaz o uplati administrativne takse.

Na osnovu činjenica utvrđenih u postupku, proizilazi da su ispunjeni uslovi propisani čl. 8. i 33. Zakona o udruženjima i fondacijama Bosne i Hercegovine, čl. 22. stav 3. Zakona o sportu u Bosni i Hercegovini i čl. 4. Pravilnika o načinu vođenja registra udruženja i fondacija Bosne i Hercegovine i stranih i međunarodnih udruženja i fondacija i drugih neprofitnih organizacija za upis Esport saveza Bosne i Hercegovine u Registar udruženja kod Ministarstva pravde Bosne i Hercegovine. Imajući u vidu prednje navedeno, rješeno je kao u dispozitivu.

Na ovo Rješenje naplaćena je administrativna taksa u iznosu od 200,00 KM za upis u Registar udruženja, u skladu sa TAR. Brojem 108. Odluke o dopuni tarife administrativnih taksi, („Službeni glasnik BiH“ broj: 73/17).

Pouka o pravnom lijeku:

Protiv ovog Rješenja nije dopuštena žalba, ali se može pokrenuti upravni spor tužbom pred Sudom Bosne i Hercegovine. Rok za podnošenje tužbe je 60 dana od dana prijema ovog Rješenja.

